

VETERINARI I BORBA PROTIV ANTIMIKROBNE REZISTENCIJE

Antimikrobna rezistencija (skr. AMR) je jedna od najhitnijih globalnih zdravstvenih prijetnji, a na svima nama je da uradimo sve što je moguće da smanjimo dalji razvoj AMR-a.

Rješenja su tu, a vi, veterinari, imate jednu od ključnih uloga u ovoj borbi!

Zloupotreba i prekomjerna upotreba antimikrobnih lijekova kod životinja može dovesti do razvoja otpornih patogena, a time i ugroziti javno zdravlje.

Veterinari u svakodnevnoj praksi određuju način liječenja, prepisuju i koriste antimikrobne lijekove i odgovorni su za očuvanje efikasnosti ovih lijekova.

Moraju se koristiti odgovorno i samo kada je to neophodno!

Šta je potrebno uraditi u borbi protiv antimikrobne rezistencije?

Uvijek se zalažite za preventivne mjere. Edukacija je važna!

Edukujte držaoce životinja o biosigurnosnim mjerama, dobrim praksama uzgoja, kao i o važnosti vakcinacije čime će se smanjiti pojava bolesti životinja i potreba za korišćenjem antimikrobnih lijekova.

Uputite držaoce životinja da su veterinari tu zbog očuvanja i unapređenja zdravlja životinja i javnog zdravlja.



POSTAVITE ODGOVARAJUĆU DIJAGNOZU



- Pogledajte istoriju bolesti životinje ili grupe životinja.
- Sprovedite detaljan klinički pregled.
- Ukoliko je potrebno uzmite odgovarajuće uzorke za dalja ispitivanja.

ODGOVORNO PREPISUJTE ANTIMIKROBNE LJEKOVE



Prepisujte antimikrobne lijekove samo kada je neophodno i kada nije moguć drugi terapijski ili higijenski tretman. Uradite antibiogram prije nego što prepisete kritično važne antimikrobne lijekove.

Više informacija o kritično važnim antimikrobnim lijekovima pogledajte na linku: <https://cinmed.me/veterinarski-lijekovi/odgovorna-upotreba-antibiotika/>.

Kada prepisujete antimikrobne lijekove, uvijek navedite uputstvo za doziranje i način primjene lijeka, trajanje liječenja i period karence, ako je primjenjivo.

Nikada ne prepisujte antimikrobne lijekove kao zamjenu za dobre biosigurnosne mjere, higijenske uslove i vakcinaciju.

Izaberite antimikrobni lijek na osnovu kliničkog znanja i iskustva i dijagnostičkih laboratorijskih testova koje ste sproveli.


Antimikrobni lijek primijenite samo kada je najbolja moguća opcija!



UNAPREĐUJTE ZNANJE

Budite u toku sa informacijama i preporukama o upotrebi antimikrobnih lijekova i borbi protiv otpornosti na antimikrobne lijekove.

Uvijek vodite evidenciju o količini antimikrobnih lijekova koje koristite.



Odgovorna upotreba antimikrobnih lijekova je naš zalog za zdraviju budućnost!

